

舊唐書校勘記

舊唐書校勘記卷四

元宗紀上

秋八月戊寅生於東都 冊府卷三 戊寅作五日

儀範偉麗 冊府四十一 範作軌

三年閏七月 沈本七作正

天授三年十月戊戌出閣開府置官屬年始七歲 張氏宗泰改

三作二云垂拱元年乙酉天授三年壬辰若作三年則當八歲

也且三年十月壬戌朔無戊戌二年十月戊戌朔當據以改正

則天聞而特加寵異之 御覽百十 無之字

使術士韓禮筮之著一莖孑然獨立禮驚曰著立奇瑞非常也

御覽百十一 莖上無著字七百二 有軍人韓凝禮自謂知五兆

上因以食箸試之既布卦一箸无故自起凡三偃三起觀者以

爲大吉兩處皆引唐書而詳略不同前引本紀一莖上脫箸字
後或爲方伎傳之逸文

攻白獸元德等門 沈本元德作元武 按通鑑云使福順將左
萬騎攻元德門仙鳧將右萬騎攻白獸門亦作元德通鑑下文
乃云福順等共殺守門將斬關而入隆基勒兵元武門外沈改
此元德爲元武非也

有宿梓宮萬騎 沈本宿下有衛字張氏宗泰云依新紀補 按
通鑑亦作宿衛

乃比謁睿宗 沈本比作馳

第三子平王基 錢氏大昕云明皇本名隆基而制詞但稱基一
字王氏鳴盛云元宗名皆作基校本皆作某校者從宋板也作
基乃明人所改其實二名單稱下一字在唐雖已間一有之然

畢竟草野不曉事人所爲唐時朝廷宮掖未必有此

二月又制曰 張氏宗泰於二月上補二年云據前紀補

七月壬午制曰 冊府 十一 作壬辰 按新紀通鑑俱作壬辰

朕以寡昧上冊府 十一 有朕聞宇宙者至公之器不獲已而臨之帝王者因時之運非有待而居之 遂司契篆冊府作遂登

皇極 皇太子基御覽 百十 基作某 委之監國御覽國作撫

上意惶懼御覽無意字是 將軍王毛仲下御覽又有少監

姜皎中書侍郎王琚吏部侍郎崔日用等定計因毛仲二十三
字 執蕭至忠岑羲於朝御覽朝下有堂字

權齒朝廷 英華權齒作擢在 七日之祥方永英華作七百之

祚 依次序用英華次作資

工部尚書封趙國公實封三百戶 冊府 百二 工作戶封上有食

字下實封同 殿中監沈氏炳震云案合問封宋國公此屬闕文

癸丑中書侍郎陸象先 張氏宗泰云依上壬申下甲戌改作癸

酉沈本作癸酉 按通鑑作庚辰

王琚為中書侍郎加實封二百戶 冊府百二十八下有通舊五百戶

仍充內外閑廐使加實封二百戶冊府下有通舊七百戶

知尚食事加實封二百戶冊府作知尚書加實封二百戶通舊五百戶

周孝明高皇帝 王氏鳴盛云高字衍

九月司空兼揚州大都督宋王成器為太尉兼揚州大都督 沈

本九月作壬寅張氏宗泰云下有九月丁卯在癸丑後此不應

先書新紀作壬寅據以刪正張氏宗泰又謂下兼揚州大都督

衍文成義爲司徒下兼益州大都督六字亦衍文

又置右御史臺 通鑑又作復下有督察諸州罷諸道按察使

冬十一月甲申 沈本作十月云新書作己亥是月無甲申當從

新書張氏宗泰云十一月辛酉朔二十四日得甲申然月內不

得有癸卯甲辰乙巳又下別有十一月乙丑是上十下有一之

誤書矣新紀作十月己亥是 按通鑑亦作十月己亥上幸新

豐御覽百十作十一月甲申或係後人據今本所改

同州刺史 冊府同州上有以字是

十一月乙丑幽求兼知侍中 沈本幽求上有劉字

長史爲少尹 通鑑長史爲尹司馬爲少尹胡注升長史爲尹從

三品治中高宗改爲司馬至是改爲少尹從四品

開元元年十二月 沈本無此七字是

己亥禁斷潑寒胡戲 冊府百五十九己亥禁乞寒胡戲 按潑寒卽

乞寒

門下侍郎盧懷慎 沈本門下作黃門

開元二年

制求直諫言宏益政理者 冊府百四十四言上有昌字是

姚崇上言請檢責天下僧尼 聞本請誤精

己未突厥默啜妹婿火拔頡利發石矢畢 沈本矢作失 按冊

府九百七十七作石阿異失通鑑作石阿失畢石下當有阿字 張

氏宗泰云閏月己未朔不得在丁卯後而上丁卯下丁亥其誤

審矣然未知當何日俟考 按通鑑作癸未當從之癸未二十

五日丁亥二十六日

去年九月有詔毀天樞至今春始 王氏鳴盛云始下脫毀字沈

本作畢張氏宗泰云九字誤據上元年紀改作七始下脫一字
他本作畢作毀亦可 按作毀是也通鑑云三月毀天樞發匠
鎔其鐵錢歷月不盡若去年七月詔下卽毀至今年三月不得
云歷月不盡矣

內出珠玉錦繡等服玩又令於正殿前焚之 冊府五十六七月乙

未內出珠玉錦繡於殿庭焚之具造赦文沈氏本無又字新紀
在七月乙未

七月薛訥與副將 沈本七月上有秋字下有庚子 按沈據新
紀通鑑訥敗在庚子前而除名在庚子

辛未光祿卿竇希城爲太子太傅房州刺史襄王重茂薨於梁州
沈本作丁未在丙午昭文館學士前張氏宗泰云七月丙戌
朔無辛未新紀襄王薨在丁未然此紀下又有丙午事丁未爲

丙午次日不應倒書襄王之薨當爲辛丑 按通鑑襄王之薨亦爲丁未

以興慶宮 沈氏炳震云下闕文張氏宗泰云新紀九月作興慶宮會要七月二十九日以興慶里舊邸爲興慶宮是新紀誤七爲九而此以下脫興慶里舊邸爲六字也七月二十九日甲寅按冊府十四二年七月宋王成器等累上表請以興慶舊里宅爲宮遂下制曰朕昔與弟兄聯居舊邸云云遂以興慶里舊邸爲興慶宮張說是

諸王傳並停 張氏宗泰云並下亦有脫文新書燉煌王承寀傳張九齡奏霍薛及邠王三子封王者賜紫餘皆服絳官不越六局卽王府掾屬亦員外置據此則並下當有員外置三字 按如張說則停字屬下讀疑非沈氏炳震謂諸王傳下有闕文而

以並停屬下亦非

京官所帶跨巾算袋每朝參日着外官衙日着餘日停 冊府六

十 京官上有是月又詔四字着當作著

未爲非遠 沈本遠作達是冊府百五十九作達 且墓爲貞宅冊府

作真是 自便有房冊府作有便 又冥器等物冊府冥作盟

下同王氏鳴盛云冥當作明按明與盟通 園宅下帳冊府下

作衣 並貶授遠官冊府無授字

薛訥破吐蕃於渭川西界武階驛 沈本川作州 按新紀作戰

於西階通鑑作西街胡注引劉昫曰武街驛在渭州西界作州

是

馬七萬七匹 張氏宗泰云下七字當作十在萬字上

周慶立爲安南使舫使與波期僧 閣本使舫作市舶期作斯云

據新唐書柳澤傳及外國傳改

三年

左廂五咄六啜右廂弩五失畢 通鑑考異引實錄作五弩失畢

高大簡沈本大作文通鑑胡注高文簡默啜之子婿也

以光祿卿馬懷素為左散騎常侍褚无量並充侍讀 沈本無為

字王氏鳴盛云左散騎常侍下脫與右散騎常侍六字 按通

鑑云以懷素為左散騎常侍使與右散騎常侍褚無量更日侍

讀王說是

十一月己卯至自鳳泉湯 冊府百十己卯作乙卯在二年

四年

上令朝堂斬斫以謝百官以陽和之月不可行刑累表陳情 通

鑑作以謝百僚冊府百十二朝堂上有於字以陽和之月上有左

散騎常侍馬懷素八字文義方顯

令以少牢致祭 冊府三十 令作命命下有有司二字

六月庚寅月食既 沈氏炳震云是月無庚寅正月疑戊寅朔則

此或是庚申張氏宗泰依新歷志改作庚申庚申六月十六日

京師華陝三州大風拔木 沈本三作二是

其迴紇同羅 沈本無其字

尚書廣平郡公宋璟爲吏部尚書 張氏宗泰依新紀補閏月於

尚書上 按冊府二十 作閏十二月通鑑亦在閏月 兼紫微

令沈本兼作監 按冊府二十 作兼

五年

日躬親祭享 冊府三十 己酉親享太極殿新紀通鑑同

甲戌至自東都 沈本無自字 按通鑑作至東都

河南百姓給復一年

冊府八十

河南下有府字

子孫無位者

冊府

八十

無下有在字

州牧各以名薦

冊府七十

薦作聞

饒樂郡主

沈本主作王是

古者操皇綱

冊府十四

者作之英華同

比之嚴祝冊府英華

祝作祀沈本作祀

公卿大臣冊府英華大臣作大夫

宜存

露寢之式冊府英華露作路

按露路古字通用

依正殿禮

下聞本有遮天門三字

殿本沈本刪王氏鳴盛云依正殿禮

下脫遮天門改爲乾元門八字

封故許王男淋

沈本淋作琳是

六年

春正月丙辰朔

沈氏炳震云案是月朔非丙辰當是丙申

辛酉禁斷天下諸州惡錢行二銖四分已上好錢不堪用者立即

銷破覆鑄 冊府五百禁斷惡錢行二銖下當有四已上舊錢

更收人間惡錢鎔破覆鑄准樣式錢

禮幣徵嵩山隱士盧鴻 沈本鴻下有一字 按通鑑作盧鴻考

異曰舊傳作盧鴻一本紀新傳皆作鴻中岳真人劉君碑云盧

鴻撰今從之

六月甲申瀘水暴漲 沈本瀘作漚是 張氏宗泰云下劉知柔

往河南道存問若作瀘則不得在河南矣當依新紀作漚

九月乙未遣工部尚書劉知柔持節往河南道存問 冊府百六十一

作八月辛巳

各賜物三十匹 冊府八十物作絹

申王撫為隆州刺史 沈本龍作絳 閣本云據本傳改隆作絳

兼徽州刺史 沈本徽作衛王氏鳴盛云校本改徽作衛

七年

子夏為傳孔門所受 逮及諸家或變例 沈氏炳震云或變例
句闕一字 按英華載此敕孔門所受下有格條之內有父在
為母齊衰三年此有為而為非尊厭之義下即接與其改作二
句無逮及以下七字

戊寅皇太子詣國學行齒胄禮 張氏宗泰云本脫十一月依新

紀補而新紀作乙亥前三日 按冊府二百六十作十一月乙亥

置宏文崇文兩館讐校書郎官員 王氏鳴盛云讐校下脫置校

兩字

八年

春正月甲子朔皇太子加元服 沈氏炳震云七年五月己丑是

年有閏則八年正月之朔當是甲寅非甲子也張氏宗泰云正月甲寅朔則子當爲寅之誤然朔日加元服至十二日方謁廟事理不合子是而朔非也按冊府二百五十七正月甲子皇太子加元服無朔字通鑑考異曰舊本紀正月甲子朔皇太子加元服長歷正月甲寅朔甲子十一日也據考異之言則其誤已久二月丁酉皇太子敏薨沈本無太子是

六月壬寅夜東都暴雨沈本無夜字

穀水泛漲新安澠池河南壽安鞏縣等廬舍蕩盡共九百六十一戶溺死者八百一十五人許衛等州掌閑番兵溺者千一百四十八人冊府百四十七河南府穀洛涯當作三水泛漲漂溺居人

四百餘家壞田三百餘頃諸州當防丁當番衛士掌閑廐者下

有溺死千餘人通鑑六月漚穀漲溢漂溺幾二千人考異曰實下

錄云漂居人四百餘家舊紀云漂沒九百餘戶溺死八百餘人
掌閑溺死者千一百餘人今從舊紀人數胡三省謂舊紀掌閑
之下有番兵二字按通鑑所引舊紀節錄其文耳所引實錄與
冊府同則冊府或亦據實錄也但舊紀掌閑番兵語不甚明顯
且但云穀水溢錄冊府以備考

突厥欲谷寇甘源等州 王氏鳴盛云校本作突曠欲寇云云新
紀但云突厥寇甘源 按當從通鑑作突厥突欲谷甘源通鑑
作甘涼

朔方總管以禦之 張氏宗泰據新紀於朔方下補道字
兼太子少傅 沈本少作太 爲太保沈本爲下有太子

十一月乙丑至自長春官 冊府百十作辛卯新紀及通鑑作乙

卯

九年

丙寅幸新豐之温湯 王氏鳴盛云下脫己亥至自温湯 按冊

府百十乙亥至自温湯新紀通鑑同

蘭池州叛胡顯首 張氏宗泰據各傳多首領之名改顯首爲首

領 僞稱葉護康待賓安慕容爲多覽張氏宗泰云安慕容下

六字欠明析按蘭池乃黨項十五都督之一然黨項乃羌非胡

而此書張說傳時叛胡黨項連結兩書說傳既有追至駱駝堰

羌胡相猜之文是叛起於胡而黨項與焉此六字當爲所連黨

項之黨惜兩書王峻張說之傳俱不及之無可是正姑仍原文

俟考 殺大將軍何黑奴僞將軍石神奴康鐵頭得蒙貢泉縣

沈氏炳震云句疑有譌闕張氏宗泰云據冊府元龜及張說傳

得當作據蒙貢爲長之誤長泉乃故縣見地理志賓州延恩縣

下 按通鑑云蘭池州胡康待賓誘諸降戶同反夏四月攻陷
六胡州考異曰實錄四月庚寅康待賓反命王峻討平之斬於
都市五月丁巳既誅康待賓下詔云云壬寅叛胡康待賓僞稱
葉護安慕容以叛七月癸酉王峻擒康待賓至京師腰斬之前
後重複交錯相違今從舊紀所謂從舊紀者從其四月書叛七
月己酉王峻破之辛酉斬之也冊府九百八十九 四月蘭池州叛胡
顯首僞稱葉護康待賓安慕容爲多覽殺大將軍何黑奴僞疑
偏將軍石神奴康鐵頭等據長泉縣攻陷六胡州與舊紀本同
惟鐵頭下有等字得蒙貢泉縣作據長泉縣爲異

甲戌上親策應制舉人於含元殿 沈氏炳震云是月無甲戌張

氏宗泰云本脫五月今據下甲戌補甲戌五月二十八日 按

御覽百十 亦作四月甲戌策下有試字 近無科甲沈本作甲

科是御覽作甲科

九月己巳朔日有食之 沈本作乙巳新紀通鑑同

辛酉討諸酋長斬康待賓 按討當作集通鑑辛酉集四夷酋長

腰斬康待賓於市

并州大都督長史 沈本督下有府字

庚午冬至大赦天下 張氏宗泰云十年閏在五月九年冬至不

得在十一月二十七日疑庚午下冬至二字衍新紀祇書大赦

疑是 按通鑑亦作庚午大赦

三品已上加爵一等 冊府八十作五品 中間有生有死冊府

作中間有先死者

壬午至自温湯 沈本作壬辰張氏宗泰云壬午不得在乙酉後

依新紀改正

十年

伏身職員 張氏宗泰云伏字疑誤

戊申內外官職田除公廨田園外竝官收給還逃戶及貧下戶欠
丁田 冊府百五命有司收內外官職田以給逃還貧下戶其
職田以正倉粟畝二斗給之沈氏炳震云戊申字有誤張氏宗
泰云戊申不得在乙丑後乙丑巳爲二十三日此當爲戊辰

按通鑑以收公廨錢爲癸亥以收職田爲乙丑

五月東都大雨 沈本五月下有辛酉

松漠都督李鬱子 沈本子作千張氏宗泰云依本傳改作于

按通鑑作千

以餘姚縣主女慕容氏爲燕郡公主出降奚首領饒樂郡王李魯
蘇 張氏宗泰云此卽契丹傳所云十年鬱子入朝請昏上封

從妹夫率更令慕容嘉賓女爲燕郡公主以妻之封鬱于爲松
漠郡王者也至魯蘇所妻乃咸安公主女韋氏東光公主見兩
書奚傳舊紀以魯蘇所妻之東光公主與召固所妻之東華公
主同書於十四年則此年止當書燕郡公主之降不得書奚首
領也當改爲契丹首領松漠郡王李鬱于 按張說極覈通鑑
以餘姚縣主女慕容氏爲燕郡公主妻契丹王鬱于英華冊燕
郡公主文亦以爲餘姚縣主之女

秋八月丙戌嶺南按察使裴仙先 沈氏炳震云八月無丙戌新
書在七月張氏宗泰云丙戌七月十七日 按通鑑在八月而
不紀日考異曰舊紀云八月丙戌按八月庚子朔無丙戌蓋亦
不從新紀作七月也

乙卯夜 沈本作己卯張氏宗泰云己卯九月十一日 自號光

常沈本常作帝是 與其黨權屯營兵數百人沈本權下有楚璧以三字是

改獵於土宜川 沈本土作上是新紀通鑑同

十一年

己巳北都巡狩 王氏鳴盛云四字誤倒不待言而北都乃武后改名中宗卽位之初已依舊爲并州大都督府矣不應至開元十一年又襲此名新書作如并州當從之 按王說誤舊地理志云開元十一年又置北都冊府十四載元宗并州置北都詔

文

庚辰幸并州潞州宴父老曲赦大辟罪已下給復五年 下文又

云百姓給復一年貧戶復二年元從戶復五年 冊府五十庚

辰幸雒州曲赦大辟罪已下給復五年是月癸巳車駕在并州

敕百姓宜給復一年九等戶給復三年元從家給復五年 按冊府前所云給復五年指去年雒州被水百姓後之給復分三等乃指并州百姓事理較明通鑑庚辰至潞州給復五年辛卯至并州無給復亦不載幸雒州事俟考

別改其舊宅爲飛龍宮 王氏鳴盛云本作其別駕舊宅爲飛龍宮

上親制起義堂頌 沈本制作製是冊府 四十 作製

戊申次晉州 沈本上有二月張氏宗泰云戊申二月十三日

按通鑑二月戊申還至晉州

壬子祠后土於汾陰之睢上 張氏宗泰云睢誤作睢 按冊府

三十 作睢上

夏四月丙辰遷祔中宗神主於太廟 冊府 二十五 五月乙丑遷祔

中宗神主於太廟

原注一作四月丙辰

始祔於太廟之九室

按舊紀始

祔於太廟之九廟

廟當作室

在下文八月光皇帝廟號懿祖下不若

冊府屬諸祔中宗神主下然通鑑此句亦在追尊宣皇帝廟號

獻祖光皇帝廟號懿祖下

據通鑑此文舊紀尊宣皇帝亦當有尊字

存以俟考

十月丁酉幸新豐之溫泉宮

冊府

百十

幸新豐之温湯置温泉

宮通鑑上幸驪山作溫泉宮

武德以來實封功臣知政宰輔淪屈者所司具以狀聞

按此條

文義有脫落冊府

百七十三

詔武德以來實封功臣知政宰輔有身

無大故而亡官身失封子孫淪屈者所司勘責

當作實

具以狀聞

十二年

春正月 沈本無此三字

以弟璆為上金嗣故也

張氏宗泰云以上當有坐字

並自神龍之後相繼為王 王氏鳴盛云相繼校本作外繼是

貶為澤州別駕 王氏鳴盛云校本別駕作刺史 按通鑑作貶

潭州別駕

十三年

降死罪從流流已下罪悉原之 王氏鳴盛云新書作流以下原之

舊衍流字 按王說非言死罪改流其流罪已下悉免之也

分遣御史中丞蔣欽緒等往十道疏決囚徒 冊府八十具載往

十道姓名

梁州為褒州 王氏鳴盛云褒當作襄誤地理志作褒州 舞州

為鶴州聞本脫鶴字張氏宗泰據地理志改作獎 殿本沈本

俱作鶴 泉州為福州沈本泉作閩

鄂王嗣初改名涓徙封郎王嗣元改名湜封榮王 閩本考證云

鄂王本傳無徙封之文沈本刪此二字郎作郵屬下讀混下有
徙字俱是

焦仁直 王氏鳴盛云校本焦作侯 子孫不許仕官張氏宗泰
云官當作宦

六月乙亥廢都西市 張氏宗泰云都字上下有脫文 按冊府

十四 亦作廢都西市

至兖州大宗頓 王氏鳴盛云大當作岱 按御覽百十作岱

御帳殿受賀朝御覽作受朝賀 褒聖侯量才與處分冊府八

十褒聖侯優與處分 近山十里禁其樵採御覽百十近作環

樵採下有賜醕七日四字各本脫

十二月己巳至東都 通鑑作乙巳御覽百十亦作己巳

十四年

正月癸亥改封契丹松漠郡王 張氏宗泰云二月庚戌朔則正

月不得有癸亥以史多己亥對誤改作癸巳 按通鑑作癸未

以國甥東華公主降於契丹李召固 張氏宗泰云上已言封宗

室外甥女二人爲公主各以妻之則東華公主卽在二人內不

應複書且又不書東光公主蓋前誤以燕郡公主之降爲李魯

蘇也非互考之不能正其失 按通鑑以上從甥陳氏爲東華

公主妻邵固以成安公主之女韋氏爲東光公主妻魯蘇是

彈尙書右丞 沈本丞下有相字

辛丑於定恒莫易滄等五州置軍 張氏宗泰云當作辛未四月

戊申朔二十四日辛未 按通鑑亦作辛丑

上以旱暴風雨命中外羣官上封事 冊府 百一 以旱及風災命

百官及州縣長官上封事

秋七月癸丑夜瀍水暴漲 沈本作癸未張氏宗泰云癸未七月

八日當依新紀改正

兼磧西副大都護 王氏鳴盛云校本磧西作安西

幸壽安之方秀州 沈本州作川是冊府百十及通鑑俱作川

十五年

尚書左丞相張說 沈本左作右是

御史大夫崔德甫 沈本德作隱是下同

河北諸軍節度大使 沈本河北作河東無諸軍

延王洄為安西大都護 王氏鳴盛云校本延王洄在永王澤上

丙申改武臨縣為潁陽縣 張氏宗泰云據地理志臨當為林

閏月庚子突厥騎施 沈本無厥字 趙歸真沈本歸作頤據新

紀改 擊走下沈本有之字

殺王君奐於甘州之鞏筆驛 張氏宗泰云筆本傳作筴依新地理志改作筴 按通鑑亦作鞏筆驛不當改

十六年

秦隴等州獠首領隴州刺史 沈本秦作春隴作瀧張氏宗泰云

據下瀧州文改隴作瀧 按通鑑正作春瀧等州獠 何遊反

魯叛沈本無反字張氏宗泰移反字於魯下王氏鳴盛云反魯

校本乙愚謂當更衍反字 按王說同沈本通鑑作何游魯反

安西副大都護趙歸真敗吐蕃於城曲子城 沈本歸作頤無上

城字 按新紀通鑑俱作曲子城

攻拔吐蕃門城 沈本門上有大莫二字據新紀增 按通鑑亦

云拔其大莫門城

河州節度判涼州事 沈本河上有以字河州作河西 按冊府

二十及通鑑俱作河西有以字

十七年

攻破蠻 張氏宗泰云破疑作南 按通鑑作破西南蠻 拔昆

明城及鹽城通鑑無上城字

庚子特進張說復為尙書左丞相 張氏宗泰云庚子上當補三

月庚子三月十日

尙書右丞相源乾曜 沈本右作左 按通鑑作左

壬寅裴光庭為黃門侍郎 張氏宗泰云壬寅不得在壬子後據

下十月戊午朔改作甲寅甲寅九月二十七日

癸未睦州獻竹實 張氏宗泰云據在戊午庚申中改作己未

十一月庚申親饗九廟 沈本作庚寅是新紀作庚寅

左右並哀感 冊府二十作哀感左右 制奉先縣同赤縣冊府

同作爲 供陵寢冊府供下有奉字

請父母亡者 王氏鳴盛云請當作親沈本作諸

十八年

是春命侍臣至頒賜有差 沈德潛云文在夏四月下四月不當

云春疑三月中事沈氏炳震云是月已下疑皆屬二月事蓋三

月無丁卯四月不當云春也 按屬二月者是通鑑二月癸酉

初令百官於春月旬休選勝行樂 便令坐飲冊府百九便作

更

契丹衙官突可汗 沈本作可突干是張氏宗泰云本傳作可突

干 按通鑑亦作可突干

及堤象門外 沈本堤作提是

然後坐飲散之 張氏宗泰云散字誤據上有奏請則此當作從

按張說是冊府卷二正作從之

十九年

貶爲襄州別駕 沈本襄作灑 按新紀通鑑俱作灑

辛卯遣鴻臚卿崔琳 沈本作辛未張氏宗泰云壬戌丙子中不得有辛卯 按通鑑作辛未

三月乙酉朔崔琳使於吐蕃 沈氏炳震云三月疑己酉朔張氏

宗泰云據上二月甲午下四月壬午當改作己酉

仲月上戊日祭之 冊府三十仲月上有取字

壬戌五嶽各置老君廟 沈本王戌上有五月張氏宗泰云壬戌

五月十五日 按通鑑五月壬戌初立五嶽真君祠老字疑當

作眞

吐蕃遣其國相論尙他碑來朝 張氏宗泰云本傳作名悉獵

按通鑑作論尙它碑上文十八年吐蕃遣其大臣名悉獵獻方物通鑑名上有論字吐蕃傳所云名悉獵入朝亦在十八年此年入朝者別是一人吐蕃傳未載張說誤

丙辰至自東都 沈本無自字

二十年

二月己未 沈氏炳震云是月無己未誤張氏宗泰云二月甲戌朔不得有己未今據會要裴光庭奏在二月二十二日是己當作乙當據以改正 承前例三月三十日爲例張氏宗泰云爲例據會要當作始畢 然開選門北團沈本北作比是張氏宗泰云北會要作比 至夏來張氏宗泰云來會要作末王氏鳴盛云校本至上有己字

譙百寮於上陽東州 沈本州作洲通鑑作上陽東洲胡三省注

上陽宮南臨洛水引洛水爲中洲於宮之東王氏鳴盛云今俗於九州之州外別造洲字爲洲渚之洲然說文水部新附無此字則開元時似無此字此仍存古州字 按冊府百一作州醉者賜以牀褥肩輿而歸冊府作賜以衾褥扇鼻以歸屬疑作肩寒食上墓 沈本寒上有制字是

信安王獻奚契丹之俘 沈本王下有禕字是

河北東道行軍元帥 沈本作河東河北道 安王禕沈本安上有信字

辛丑至北都 沈本辛丑上有十一月而刪下庚午上之十一月是也張氏宗泰云辛丑十一月朔

曲赦太原三年 沈本三年上有給復二字是

庚午祀后土於睢上 沈本作庚申睢作睢 按冊府百十及通

鑑俱作庚申

二十一年

加老子策

冊府

五十

加上有准數二字是

乙巳還祔肅明皇后神主於廟

沈本還作遷

按冊府

三十遷

肅明皇后神主於太廟下有祔睿宗室通鑑廟上亦有太字

丁酉審王憲為太尉

沈氏炳震云是月無丁酉新書同上丁巳

此疑屬衍文

棣王洽為太子少傅

沈本少作太

五月甲申皇太子納妃薛氏

冊府

八十

作戊子新紀同

京文

武官冊府作京文武九品已上

九月壬午封皇子溢為濟王

沈氏炳震云按溢十三年已封此

疑衍文張氏宗泰說同

按新紀通鑑俱無溢為濟王四字

漩爲涼王滔爲深王沈本漩作澁涼作梁張氏宗泰云澁改名
漩在二十四年封年尙當作澁滔止改名而無改封事此深字
當爲汴 按通鑑作澁爲梁王滔爲汴王

十月庚戌幸溫泉宮 冊府百十下有己未還京通鑑作還宮新
紀作至自溫泉宮

詔出太倉米二百萬石給之 冊府百五給上有賑字

二十二年

乙酉懷衛邢相等五州乏糧 聞本乏誤之張氏宗泰云相下當
有魏字乙酉二字當在下遣中書舍人之上 按冊府百五
州乏糧下卽接遣中書舍人裴敦復巡問與今本同

初置十道採訪處置使 冊府六十諸道採訪使華州刺史李尙
鵬等奏請各置印從之疑此文處置使下脫印字

伊西北庭且依舊爲節度 沈本度下有使字

且春秋書麥禾 冊府七十 麥上有無字

立其酋長季過拆 沈本作李過拆是

二十三年

正月己亥親耕籍田 沈本作乙亥張氏宗泰云乙亥正月十八

日 按冊府五十 亦作乙亥新紀通鑑同 及朝集採訪使冊

府作及朝集使諸道節度使採訪使 三品已下加一爵冊府

上有新除五品已上未赴任畿縣令現在陪位者 外官賜勳

一轉冊府作皇親並内外文武官九品已上各賜勳一轉

慶王直已下十四王並改名 沈本直作潭是張氏宗泰云本傳

作潭

又封皇子玘爲義王至 璲爲汴王 沈氏炳震云義王以下六王

二十一年九月已封矣此疑與慶王以下同改名耳非封也琪
爲恒王沈本琪作瑱張氏宗泰云或當作義王改名玳陳王改
名珪豐王改名珙恒王改名琪沐王改名璫承上並改名而書
然十四王而止書其六亦未備 按通鑑二十四年載更名事
考異云舊紀唐歷二十三年七月景子景卽丙唐人避諱 皇太子諸王
皆改名則是舊紀實載諸王更名事矣十四王名通鑑備載之
九月戊申 沈氏炳震云是月無戊申誤張氏宗泰云九月癸丑
朔無戊申未知爲辰與寅何字之誤

十一月壬申朔日有食之 沈氏炳震云新書閏十一月壬午朔
未知食在何月壬申朔則總誤也 按通鑑作閏月壬午朔考
異曰舊紀作十一月壬申朔按長歷十一月壬子朔今從實錄

唐歷

二十四年

率兵擊突騎破之 沈本騎下有施字是

夏六月丙午京兆醴泉妖人劉志誠 沈本作五月張氏宗泰云

依新紀改 按通鑑在五月

己巳初置壽星壇 沈本作乙巳張氏宗泰云下有八月戊申朔則前月不得有己巳乙巳七月二十八日

己亥深王滔薨 沈本作乙亥汴王璠薨張氏宗泰云新紀作乙

亥乙亥八月二十八日滔封汴王又己改名璠不當書滔 按

通鑑作乙亥汴王璠薨

甲子至華州 冊府百十作陝州 按通鑑亦作過陝州

丁丑至自東都 張氏宗泰依新紀改作丁卯云丁卯九月二十

一日 按通鑑亦作丁卯

殿中監牛仙客兵部尙書 沈本兵部上有爲字是

元宗紀下

二十五年

子育黎蒸 御覽百十作蒸黎

癸卯道士尹愔爲諫議大夫 冊府五十作癸未兼知史館事冊

府館作官

破契丹餘衆於捺祿山 沈本捺作捺是

三月乙卯河北節度使崔希逸 沈本北作西是也通鑑作河西

沈本乙卯作辛卯張氏宗泰云辛卯三月十七日 按新紀作

辛卯 希逸至青海西郎佐素文子觜與賊相遇張氏宗泰云

郎佐素三字疑誤兩書本傳止作青海無小地名無可是正

按冊府九百八載此事亦云至青海西郎佐素文子觜與賊出

遇與今本舊紀同則郎佐素三字非誤也

越度而過 張氏宗泰云卽流星亦無越度之事而况五緯四字
疑衍新書止書犯房

大理少卿徐帖

御覽

百十作帖

庚申封李林甫爲晉國公 張氏宗泰云庚申在己卯後四十一
日當作庚辰前一日己卯奏烏巢次日推功事亦相貫 接通
鑑作庚辰

己卯敕諸陵廟並隸宗正寺

張氏宗泰改作己酉又補八月二

字云一月不得有兩己卯則是上脫月也然下有九月壬申後
七日方得己卯今書在壬申前則己卯亦非矣八月壬寅朔初
八日己酉故據以補正 按冊府三十亦作七月己卯或本在
大理少卿奏烏巢之前後人誤移於後復衍己卯二字疑未能

定存以俟考 其宗正寺官員自今並以宗枝爲之冊府枝作
子是

十一月壬申幸溫泉宮 冊府百十下有乙酉至自溫泉宮新紀

同通鑑作乙酉還宮在宋璟薨前

丁丑開府儀同三司廣平郡公宋璟薨 通鑑作己丑是沈本作

丁巳誤

吐蕃使其大臣屬盧論莽藏來朝貢 張氏宗泰云考吐蕃傳吐

蕃於青海敗後云自是遂絕朝貢至肅宗元年建寅月方云遣

使燭番莽耳等貢方將入朝其名屬與燭文異音近而下一人

莽字同疑此所書乃其年錯簡屬盧論即燭番莽耳也惜他

無可證而新紀又例不書朝貢事雖未必即當爲肅宗元年而

此年要斷無朝貢事也因備論之以俟考 按通鑑詳載吐蕃

朝貢之事此年二月通鑑載吐蕃青海敗事末云自是吐蕃復絕朝貢十二月無吐蕃入貢之文張說極有見然冊府九百七十一載是年十二月吐蕃遣其大臣屬盧論莽藏來朝且獻方物則不得謂是年無朝貢之事矣

二十六年

鎮兵部還 張氏宗泰云四字上下有脫文 按冊府八十其見鎮兵並一切放還 諸鄉貢每年令就國子監謁先師冊府其諸州鄉貢明經進士每年引見訖更令國子監謁先師 各委本司本州聞薦冊府各委本州本司長官具以聞薦

二月辛卯以李林甫遙領隴右節度使 沈本二月在下甲辰上張氏宗泰云辛卯正月二十二日 按新紀通鑑俱作正月壬辰

禁大寒食以雞卵相饋送 聞本同張氏宗泰云據下寒食之文
大字當作火字他本刪之非 按冊府六十作禁寒食雞卵相
遺

乙卯以牛仙客遙領河東道節度使 沈本在庚申葬貞順皇后
前是也通鑑葬貞順作己未而亦在乙卯之下

己酉河南洛陽兩縣 張氏宗泰云三月己巳朔不得有己酉非
己卯卽乙酉之訛沈本作乙酉

癸未京兆地震 沈本作癸巳兆作師張氏宗泰云新五行志作
癸巳京師地震

秋七月己巳冊皇太子大赦天下 張氏宗泰云立忠王爲皇太
子己見上以文義推之冊上當有以字 按冊與立兩事張說
非通鑑云己巳上御宣政殿冊太子是日赦天下

內外文武官及五品已下爲父後者各賜勳一轉忠王府官及侍

講加一階 冊府八十內外文武職事官九品已上各賜勳一

轉五品以上子爲父後者亦賜勳一轉其忠王府官及侍讀侍

書除賜之外三品以上賜爵一級四品以下加一階 按唐書

於賜爵多所刪節此係刪節便覺義有未盡

於舊六胡之地置宥州 沈本胡下有州字是張氏宗泰云據地

理志有州字

十月戊寅幸溫泉宮 冊府三十下有庚辰至自溫泉宮新紀通

鑑作壬辰

二十七年

開元已來諸色痕瘕人咸從洗滌 冊府八十自開元已來諸色

應員疑作痕累人等咸從洗滌令許自新所司更不須以此爲

累

夏四月丁丑廢洮州隸蘭州改臨州爲洮州 張氏宗泰刪廢洮州隸蘭州六字云地理志臨州有二一天寶三載析金城郡之狄道縣置一卽洮州開元十七年州廢以縣隸岷州二十年復置更名臨州以本治臨洮縣也而蘭州下無割洮州隸之之事則蘭州之蘭當作岷然廢在十七年兩志同不應書於此故正其蘭當爲岷而刪之

殺蘇祿 沈氏炳震云殺當作禽蘇祿當作蘇祿子吐火仙 按此紀年終又云是歲蓋嘉運大破突騎施之衆擒其王吐火仙送於京師一事複見俟考

八月吐蕃寇白草安人等 沈氏炳震云下闕文 按通鑑八月壬午吐蕃寇白草安人等軍隴右節度使蕭良擊破之卽此事

也通鑑以獻捷在二十八年

餘十哲皆爲侯夾坐 冊府五十全載制文又有追贈曾參等六

十七人皆爲伯制

自虹縣隋清至淮陰 張氏宗泰云清字誤當作廣濟新地理志

宿州虹縣下注云有廣濟新渠開元二十七年採訪使齊澣開

自虹至淮陰十八里入淮以澣所開爲新渠是渠本名廣濟也

或清卽渠之誤

崔德甫卒 沈本德作隱是

冬十月毀東都明堂之上層 沈本無冬十月以上文已見也

戊戌幸溫泉宮 沈本作丙戌張氏宗泰云十月庚申朔無戊戌

據新紀改 按冊府三十作甲戌通鑑作戊寅

二十八年

庚寅太子賓客李尙隱卒 沈氏炳震云是月無庚寅誤張氏宗
泰改作庚申云庚申六月五日王氏鳴盛云尙隱校本作朝隱
自石灰巢 沈本巢作窠是張氏宗泰云新地理志作窠 却涯
魏橋沈本涯作注張氏宗泰云新地理志作注

九月庚寅 沈本無九月是

辛巳至自溫泉宮 沈本作辛丑 按通鑑作辛巳

乙酉夜東都新殿後佛光寺災 張氏宗泰移此於辛巳前云本
在辛巳至自溫泉宮下按乙酉在辛巳後四日而十月甲寅朔
辛巳在二十八日內不得有乙酉矣新五行志作十八年十
月乙丑然十八年十月壬午朔月內無乙丑二十八年十月乙
丑卽甲子次日是新志日是而年非也今移在辛巳至自溫泉
宮上以合之

二十九年

正月丁丑 沈本作丁酉張氏宗泰云丁酉正月十六日 按通

鑑作丁酉

並崇元學置生徒 御覽百十置在崇字上是生徒屬下讀

令習老子莊子列子文中子 沈本無中字王氏鳴盛云當從新

書作文子 按冊府五十亦作文子

禁九品已下清資官置客舍邸店車坊土庶奪葬 張氏宗泰云

據文義改葬作算 按新紀有禁厚葬之文奪字疑厚字之誤

韋虛心卒 沈氏炳震云按韋奏傳上當有工部尙書

壬午以左右金吾大將軍 沈本無右字是沈氏炳震又云按是

月無壬午當是閏月脫文耳張氏宗泰云紀無閏月五月六月

事閏月六月各有壬午未知上脫何月

凌鏞按此條在親王已下條後

親王已下及內外官各賜錢令讌樂 按此有脫誤冊府八十五

月庚戌帝夢元元皇帝告以休期畫真容布告天下制載全其

親王公主郡縣主內外文武官等並是賜錢至休假之辰宜以

素殮用申慶樂是賜錢為得真容故也通鑑畫真容亦在五月

北州刺史 張氏宗泰云北疑當作冀

分遣大理卿崔翹等八人往諸道黜陟官吏 冊府百六十一備載八

人姓名惟以為在五月誤

天寶元年

百姓所欠負租稅 御覽百十所作有

有儒學博通文辭秀英 冊府六百四十五有上有其字英作逸 按

冊府又云是年有舉文詞秀逸科崔明允顏真卿及第則作逸

為是御覽百十亦作逸

上遣使就函谷故關尹喜臺西發得之 冊府元龜五十作遣使

旁求於函谷故關令尹喜臺西二百三十步發而得之 御覽十

一與今本同

例天下囚徒 張氏宗泰云例疑制字之誤 按御覽百十作制

是

莊子號為南華真人 冊府五十上有三月丙申莊上當有詔字

改侍中為左相中書左右丞相依舊為僕射 沈本中書下有令

為右相四字張氏宗泰云左右丞相上仍脫尚書二字 按冊

府七十改侍中為左相中書令為右相黃門侍郎為門下侍郎

尚書左右丞相依舊左左上當有為字 右僕射今本黃門句在左右僕

射下

老幼版授 沈氏炳震云幼字誤 按幼當作人諸帝紀中言老

人版授者多

裴耀卿爲尙書左僕射 沈本左作右是

九月辛卯上御花萼樓 沈氏炳震云是月當是癸卯朔無辛卯

是日疑是辛亥 按通鑑作辛亥

兩京元元廟 冊府五十兩京上有詔字 改爲太上元元皇帝宮

冊府無皇帝宮作廟

開廣運潭於望春亭之東 沈氏炳震云亭疑當作樓張氏宗泰

云新地理志萬年縣下注云有南望春宮臨滻水西岸有北望

春宮宮東有廣運潭亭當作宮 按通鑑作樓亦望春宮之樓

也

二年

博士爲學士 冊府五十下有助教爲直學博士更置大學士員

周上御史大夫敬曰先天太上皇 冊府四五十作周正御大夫皇

上無上字通鑑作上御大夫皇上亦無上字

天下諸郡為紫極宮 沈本極作微張氏宗泰云下文七月作紫

微 按冊府四五十作極

韋堅開廣濟潭 張氏宗泰云據新地理志注及上元年濟當為

運 按冊府四五十作廣運

辛酉譙郡紫微宮改為太清宮 沈氏炳震云是月無辛酉誤

按冊府四五十九月譙郡紫極宮宜准西京為太清宮微仍作極

戊寅幸溫泉宮十一月乙卯至自溫泉宮 新紀同冊府四五十

一月在戊寅上誤宮又誤言

十二月己亥東京應天門 沈本作乙亥按十二月丙寅朔無

己亥沈說是

戊申幸溫泉宮丙辰至自溫泉宮十二月 沈氏炳震云自戊申
以下十六字疑屬衍文張氏宗泰云當云十一月己亥東京應
天門改爲乾元門乙卯至自溫泉宮而刪己亥上之十二月及
戊申幸溫泉宮以下十三字 按通鑑冬十月戊寅上幸驪山
溫泉乙卯還宮乙卯上當有十一月胡注戊寅至
卯三十八日則有十一月明矣考異曰舊紀
十月戊寅幸溫泉宮十一月乙卯還宮與實錄同十二月戊申
又幸溫泉宮丙辰還宮實錄無按十二月丙寅朔無戊申丙辰
唐歷十一月戊申幸溫泉宮丙辰還京又與實錄本紀不同今
皆不取據考異所言舊紀實書兩幸溫泉事十二月所紀之戊
申丙辰卽冊府亦紀之或所經之日辰誤耳但十二月之文不
應兩見

正月丙辰朔 張氏宗泰云當依新紀作丙申沈本作丙申

故邠王守禮男承寧爲嗣邠王 張氏宗泰云承寧嗣王在承宗

放後當廣德年而先嗣邠王者乃承安據本傳改寧爲宗 讓

帝男沈本讓下有皇字是 瑁爲嗣薛王沈本瑁作瑁是

是月河南尹裴敦復卒 沈氏炳震云復下有闕文 按沈說是

也通鑑載四月裴敦復破吳令光擒之新紀二月亦有裴敦復

劉同昇等討令光事但是月書卒者不知何人俟考

官遣振捕人肝 張氏宗泰云新五行志振下仍有振字

武威郡上言番禾縣天寶山 張氏宗泰云天寶二字衍以出醴

泉在天寶年故取以名縣非山本名天寶也此沿會要之誤

按冊府二十亦云番禾縣之天寶山二字似非衍文當時獻符

瑞者必托言此山名天寶也

敕兩京天下州郡取官物鑄金銅天尊及佛各一軀送開元觀開元寺
冊府四十五兩京及天下諸郡於開元觀開元寺以金銅鑄帝等身天尊及佛各一

十一月癸卯還京 沈作丁卯 按冊府四十一丁卯至自溫泉宮

新紀通鑑俱作丁卯

癸丑每載依舊取正月十四日 沈氏炳震云是月無癸丑張氏宗泰云十一月庚申朔亦無癸丑非癸酉卽癸未之誤每載上當有詔字

賜名摘盈 沈本摘作持張氏宗泰云新公主傳作持盈

甲寅親祀九宮貴神於東郊 冊府三十作癸丑祀作祠 通鑑

亦作癸丑

四載

三月甲申宴羣臣於勤政樓 沈氏炳震云是月無甲申

壬申封外孫獨孤氏女 張氏宗泰云壬申不得在甲申後依新

紀壬申在三月則甲申不得同月疑上文三月當作正月而此

壬申上當有三月甲申正月二十六日壬申三月十四日

副將褚直廉等死之 張氏宗泰云新紀作褚訓俱誤依吐蕃傳

當作諸葛訓 按通鑑作褚訓考異曰新傳作諸葛訓今從實

錄

以會昌縣爲同京縣 沈本無爲字是 按通鑑於三載十二月

癸巳置會昌縣於溫泉宮下舊紀失載

五載

並准畿官吏 王氏鳴盛云吏當作例

禮記月令改爲時令 冊府五十載詔文略云堯命四子所授惟

時周分六官曾不繫月先王行令蓋取於斯苟分至之可言何
朔望之是舉其禮記月令改爲時令

封中嶽爲中天王 冊府三十嶽下有神字下南嶽北嶽同

天下山水 天上當有詔字冊府六十作詔曰載全文

王拱等七人 冊府百六十一具載七人姓名

嗣薛王瑱 沈本瑱作瑁

十一月己巳還京 張氏宗泰云新紀作乙巳十一月二十八日

六載

正月辛巳朔 沈氏炳震云是月朔非辛巳朔字衍張氏宗泰云

正月乃丁丑朔

於京城置三皇五帝廟 冊府百七十四詔三皇置一廟五帝亦置一

廟

立杖食及設杖於庭 沈本二杖字皆作仗是

長流湊溪郡 沈本湊作湊是

七載

韋縉奏御案褥袂帷等 冊府六十 韋縉上有太常卿袂作牀是

三皇以前帝王京城置廟 冊府百七十四 詔三皇以前帝王宜於京

城共置一廟

德行彌高者 冊府九十 上有史傳所載

冬十月庚午幸華清宮 新紀通鑑作庚戌張氏宗泰云庚戌十

月十三日 按冊府百十 亦作庚戌

言元皇帝見於華清宮之朝元閣 通鑑言上有或字

八載

朔方節度使張降邱 沈本降作齊是 於東受降城張氏宗泰

云據新地理志改東作中 按通鑑亦作中受降城

幸華清宮觀風樓 冊府十四 華清宮作觀風樓

閏月己丑改石堡城爲神武軍 沈本作乙丑 按通鑑作乙丑

昭皇后 沈本昭下有成字是冊府三十及通鑑俱作昭成

爲開元天寶聖文神武應道皇帝 按此與七載所上尊號同冊

府十六 天下有地字大字新紀亦作天地大寶通鑑同是時百

官表請有天之貺地之祥天地以鴻休報陛下陛下以至德通

乾元允宜合符克配徽號等語則作天地大寶是也

言太白山金星洞有帝福壽玉版石記 冊府十六 有神人言金

星洞內有玉版石記聖皇福壽之符通鑑與冊府同有作見皇

作主

九載

徙生徒爲進士業者 王氏鳴盛云徙校本作領 按通鑑置廣

文館於國子監以教諸習進士業者徙當作教

九月乙卯處士崔昌上五行應運歷以國家合承周漢請廢周隋

不合爲二王後 沈氏炳震云是月無乙卯誤新書作辛卯

按通鑑作辛卯冊府百七十三處士崔昌上封事推五行之運以國

家合承周漢其周隋不合爲二王後請廢詔下尙書省集公卿

議云云乃求殷周漢後爲三恪廢韓介鄒等公通鑑略同舊紀

文義未備

十一月庚寅幸華清宮 沈本作冬十月庚申張氏宗泰云新紀

作十月庚申庚申十月五日 按冊府百十四十月庚申幸華清

宮下有改驪山爲昌山

己丑 沈本以上十一月置於己丑上

制自今告獻太清宮及太廟改爲朝獻巡陵爲朝拜告宗廟爲奏
天地享祀文改昭告爲昭薦 冊府三十制自今以後每親告
獻太清宮太微宮改爲朝獻有司行事爲薦獻親告享宗廟爲
朝享有司行事爲薦享親巡陵爲朝拜有司行事爲拜陵應緣
諸事告宗廟者改爲奏其郊天后土及祀疑誤祝云敢昭告於
者改爲敢昭薦於

司置官吏 沈氏炳震云司字誤或衍

十載

諸陵廟 沈氏炳震云下闕文

丁未李林甫領安北副大都護 新紀通鑑作丁酉

十一載

正月辛亥還京 沈本作丁亥張氏宗泰云正月己卯朔不得有

辛亥依新紀改丁亥 按通鑑亦作丁亥

乃率其部下叛歸漢地 沈本漢作漠張氏宗泰云當作漠北

按張說是通鑑作叛歸漠北

兼文部尙書 通鑑同御覽百十作吏部非三月已改吏部爲文

部

便定流放 沈本流作留是

十二載

夏五月乙酉以魏周隋依舊爲三恪及二王後復封韓介鄴等公

冊府卷四五月己酉復以魏周隋依舊爲恪及二王後格上當有

三其本封韓介鄴等公如故 按舊紀既載復封韓介鄴公事

則亦應載其廢足明九載之文有脫誤矣乙酉新紀通鑑亦作

己酉沈本改爲己酉是張氏宗泰云己酉五月初九日

七月壬子天下齊人不得鄉貢須補國子學生然後貢舉 按文

義有闕脫冊府六百四十詔天下舉人不得充鄉試皆須補國子學

生及郡縣學生然下脫聽舉

冬十月戊申幸華清宮 沈本作戊寅 按新紀通鑑俱作戊寅

考異曰舊紀唐歷皆作戊申按長歷是月無戊申今從實錄

和雇京城丁戶一萬三千人築興慶宮牆起樓觀 冊府十四城

興慶宮役京師及三輔人凡一萬三千人並以時估酬錢

至十二月改橫密城為天德軍 沈本密作塞是

行從官憲部尙書張筠等 沈本筠作均是

請上尊號為開元天地大寶聖文神武孝德證道皇帝 冊府十

六請上尊號下有加孝德及改應為證曰九字

十三載

己亥安慶緒獻俘於行在 沈氏炳震云祿山傳十三載正月謁於華清宮則是時獻俘者乃祿山非慶緒也此疑誤 按通鑑己亥安祿山入朝

甲戌饗太廟高祖謚曰 聞本沈本饗上俱有親字高祖上沈本有上字俱是 中宗太和大聖沈本太作大 按通鑑作孝和

祿山奏前後討契丹 御覽百十一 討下有奚字

中將者二千餘人 沈本中下有郎字 按御覽百十一 及通鑑俱

作中郎將

賜右相絹 冊府八十右相下有楊國忠 賜左相絹冊府左相

下有陳希烈

是秋霖雨積六十餘日 冊府百五秋大霖雨自八月至十月凡

六十餘日

上御勤政樓試四科制舉人策外加詩賦各一首制舉加詩賦自

此始也

冊府

六百四十

御含元殿親試博通墳典洞曉元經詞藻

宏麗軍謀出眾等舉人命有司供食既而暮罷其詞藻宏麗科

問策外更試律賦各一首制舉試詩賦自此始也時登甲科者

太子正字楊綰最為所稱乙第者凡三十餘人

按加詩賦惟

詞藻宏麗科舊紀所云似四科概加矣疑有脫誤

冬十月壬寅幸華清宮

沈氏炳震云新書乙酉按是月無壬寅

誤通鑑作閏十一月壬寅亦誤

按通鑑作冬十月乙酉與新

紀同冊府

百四十一

亦作乙酉十月癸亥朔乙酉為二十三日沈所

謂通鑑者乃綱目也張氏宗泰以十二月戊午還宮相距太遠

因謂壬寅不誤十月乃十一月之誤非也

乙巳開府儀同三司畢國公竇瑰薨

沈氏炳震云是月無乙巳

誤

戊午還京 沈本上有十二月是新紀通鑑同

十四載

上賦詩數柏梁體

冊府

四十

有羣臣畢和四字

八月壬辰上親錄囚徒

冊府

五十

錄作慮

按錄慮一聲之轉

冬十月壬辰幸華清宮

冊府

百四

作庚寅

按通鑑亦作庚寅

考異曰舊紀壬辰今從實錄新紀

十一月戊午朔

沈本無朔字是張氏宗泰云下有十二月丙戌

朔則十一月不得有戊午朔

以羽林大將軍王承業

沈本羽林上有右字

按通鑑有右字

以衛尉卿張介然為陳留太守河南節度採訪使

通鑑置河南

節度使以衛尉卿張介然為之考異曰實錄以介然為汴州刺

史舊紀以介然爲陳留太守按是時無刺史郭納見爲太守介然直爲節度使耳

其衆十萬丙戌高仙芝等進軍 沈本丙戌上有十二月下有朔字

十二月丙戌朔祿山於靈昌郡渡河 沈本丙戌作丁亥無十二

月 按通鑑仙芝發長安在十二月丙戌祿山渡河在丁亥御

覽百十作十二月丙戌朔祿山於靈昌郡渡河

以哥舒翰爲太子先鋒兵馬元帥 張氏宗泰云依新紀兵馬下

當有副字 按冊府百二有副字通鑑亦作副元帥

十五載

正月乙卯 通鑑乙卯下有朔字

乙巳加平原太守顏真卿 沈本作己巳張氏宗泰云乙巳在乙

卯前十日正月乙卯朔不得有乙巳以在乙丑後推之非己巳
卽乙亥 按通鑑作己巳

丙辰誅工部尙書安思順 沈氏炳震云是月無丙辰當從新書
在三月張氏宗泰云丙辰三月三日

三月壬午朔 沈氏炳震云是月非壬午朔朔字衍 按通鑑無
朔字考異曰壬午二十九日

乙酉以平原太守顏真卿爲河北採訪使 沈氏炳震云是月無

乙酉誤張氏宗泰云夏四月本在丙午上今據新紀有四月乙
丑賀蘭進明以兵救平原日移正 按張說非也據通鑑加真
卿採訪使卽承上壬午李光弼爲河北節度使之文乙酉二字
衍

己亥改常山郡爲平山郡 沈氏炳震云是月無己亥誤舊書二

月三月事多與新書不合且干支顛倒疑有錯簡譌字

仗下從士庶恐駭奔走於路 沈本無從字 按御覽百十有從

字亦誤

如何得飯 御覽百十作爾可進飯

因留太子 御覽百十因作卽日 凌鑄按此條在咸以爲然條後

丙辰次馬嵬驛 沈本作丙申 按御覽百十及通鑑俱作丙申

衆呼曰 御覽百十衆下有卽字 衆方退御覽作魏方進 按

魏方進見上文通鑑亦云魏方進爲衆所殺

咸以爲然 御覽百十咸作衆

丙午河池郡 沈本丙午下有次字是 按御覽百十有次字冊

府七十同

以前華州刺史魏犀 張氏宗泰云犀上脫仲字 按御覽百十

有仲字

甲子次普安郡 王氏鳴盛云校本普作晉 按御覽百十冊府

七十及通鑑俱作普安胡三省注普安即劍州

拜為吏部尚書 沈本吏作文 按通鑑作文部侍郎御覽百十

作吏部尚書

詔以皇太子諱 沈本無諱字御覽百十有諱字

八月癸未朔 張氏宗泰云新紀壬午雖無朔字而壬午在癸未

前是新紀壬午朔 按御覽百十作癸未朔通鑑作壬午朔

太上至道聖皇帝 沈本皇下有天字 按御覽百十無天字

上皇寢不自懌 御覽百十無自字是

禮儀無復興行 沈本儀作義

刑政壞於犬馬 張氏宗泰云錢遵王影宋本作刑政於焉大壞

妖集廷除 沈本廷作庭

舊唐書校勘記卷四